



TOSHKENT DAVLAT YURIDIK UNIVERSITETI REKTORINING B U Y R U G ' I

2021-yil 24-may

08-136-son

“Student Ambassadors” жамоаси фаолиятини ташкил этиш тўғрисида

Ўзбекистон Республикаси Президентининг 2020 йил 29 апрелдаги “Ўзбекистон Республикасида юридик таълим ва фанни тубдан такомиллаштириш бўйича қўшимча чора-тадбирлар тўғрисида”ги ПФ–5987-сон Фармонида белгиланган вазифалар ижросини таъминлаш, чет эллик сайёҳларни жалб қилиш ва дунё ҳамжамиятида Тошкент давлат юридик университетида қизиқишни ошириш учун концептуал янги ижтимоий йўналишларни ташкил қилиш орқали миллий юридик таълимнинг жозибадорлигини ошириш мақсадида

Б У Ю Р А М А Н:

1. Тошкент давлат юридик университетида “Student Ambassadors” жамоаси фаолиятини ташкил этиш тартиби тўғрисидаги низом 1-иловага, чет эллик сайёҳларни жалб қилиш ва дунё ҳамжамиятида Тошкент давлат юридик университетида қизиқишни ошириш мақсадида “Student Ambassadors” жамоасини ташкил қилиш ва унинг фаолияти бўйича чора-тадбирлар 2-иловага мувофиқ тасдиқлансин.

2. Проректор Д.Умаров “Student Ambassadors” жамоаси фаолиятини ташкил этилишини таъминлаш бўйича зарур ташкилий чора-тадбирларни амалга оширсин.

3. Университет Халқаро ҳамкорлик бошқармаси:

“Student Ambassadors” жамоаси фаолиятига оид масалаларни ўз вақтида ва сифатли амалга оширилишини таъминласин;

“Student Ambassadors” жамоаси аъзоларини шакллантириш билан боғлиқ ташкилий ишларни амалга оширсин;

“Student Ambassadors” жамоаси фаолиятига доир ҳисоботларни қабул қилиб борсин ва факультет деканатларига жамоа фаолиятини ривожлантириш билан боғлиқ таклифлар киритиб борсин.

4. Факультет деканлари:

“Student Ambassadors” жамоаси фаолияти, уни ташкил этиш тартиби ва шартлари ҳақида талабаларга тушунтиришлар бериб борсин;

Факультет хусусиятидан келиб чиқиб “Student Ambassadors” жамоасини шакллантириш мақсадида талабалар орасидан муносиб номзодлар рўйхатини шакллантирсин ҳамда Халқаро ҳамкорлик ва узвий таълим бўйича проректорга тақдим этиб борсин;

“Student Ambassadors” жамоаси фаолиятини йўлга қўйиш ва унинг самарали фаолият олиб боришини таъминлашда Халқаро ҳамкорлик бошқармаси билан ҳамкорликда ишларни ташкил этсин.

5. Жамоатчилик ва ОАВ билан алоқалар бўлими “Student Ambassadors” жамоаси фаолиятини Интернет саҳифалар, ижтимоий тармоқлар ҳамда бошқа оммавий ахборот воситаларида кенг ёритилишини ташкил этсин.

6. Ушбу буйруқ ижросини назорат қилиш проректор Д.Умаров зиммасига юклансин.

Ректор



Р. Ҳакимов

Тошкент давлат юридик университетида “Student Ambassadors” жамоаси фаолиятини ташкил этиш тартиби тўғрисида НИЗОМ

Мазкур Низом Ўзбекистон Республикаси Президентининг 2020 йил 29 апрелдаги ПФ–5987-сон “Ўзбекистон Республикасида юридик таълим ва фанни тубдан такомиллаштириш бўйича қўшимча чора-тадбирлар тўғрисида”ги Фармонида мувофиқ Тошкент давлат юридик университетида (кейинги ўринларда – Университет) чет эллик сайёҳларни жалб қилиш ва дунё ҳамжамиятида Университетга қизиқишни ошириш борасида ташкил этилаётган “Student Ambassadors” жамоасининг фаолият асослари, уларнинг асосий вазифалари, ҳуқуқлари ва мажбуриятларини тартибга солади.

I боб. Умумий қоидалар

1. Мазкур Низомда куйидаги тушунчалардан фойдаланилади:

“Student Ambassadors” жамоаси – Университетда бакалавр ва магистратура босқичида ўқиётган юксак ахлоқий, дипломатлик фазилатларига эга бўлган, бир неча хорижий тилларни ўзлаштирган ва миллий ҳуқуқ бўйича юқори билимларга эга бўлган талабалардан жамоатчилик асосида ташкил этиладиган талабалар гуруҳи;

“Student Ambassadors” кўкрак нишони – Университет раҳбарияти томонидан белгиланган кўринишда “Student Ambassadors” аъзоларига тақдим этиладиган ва уларга аъзолик даврларидагина тақиб юришга рухсат бериладиган кўкрак нишони;

Сайёҳ талабалар гуруҳи – Университет талабалари, бошқа олий таълим муассасалари ҳамда хорижий олий таълим муассасалари талабалари орасида Ўзбекистон ҳуқуқи ва маданиятига қизиққан ва мамлакат бўйлаб саёҳат қилишга ўз ихтиёрига кўра розилик билдирган талабалардан “Student Ambassadors” аъзолари етакчилигида ташкил этиладиган гуруҳ;

“Do you know Uzbekistan?” кўрик танлови – чет давлатда доимий яшовчи, Ўзбекистонда бир ойдан кўп яшамаган чет давлат фуқаролари ўртасида “Student Ambassadors” аъзолари етакчилигида ўтказиладиган танлов.

2. “Student Ambassadors” жамоаси чет эллик сайёҳларни Университетга жалб қилиш, дунё ҳамжамиятида Университетга қизиқишни ошириш, чет элликларга миллий ҳуқуқ ҳақидаги маълумотларни кўнгилли равишда тақдим этиш ҳамда миллий ҳуқуқ тизимидаги ўзига хосликларни дунё бўйлаб ёйиш, Университетнинг чет эллик талабаларига дарсдан бўш вақтларини мазмунли ташкил этишларига кўмаклашиш, Университетда таълим олишлари жараёнида юзага келадиган муаммоларни бартараф этишга кўмаклашишга қаратилган фаолиятни олиб боради.

3. “Student Ambassadors” жамоаси ўз фаолиятини Халқаро ҳамкорлик бошқармаси билан ҳамкорликда амалга оширади.

II боб. “Student Ambassadors” жамоаси фаолиятининг мақсади ва вазифалари

4. “Student Ambassadors” жамоаси фаолиятини ташкил этишдан асосий мақсад – бу чет эллик сайёҳларни Университетга жалб қилиш ва чет эллик талабаларда Ўзбекистон жамияти ҳамда маданиятига ҳурмат руҳини уйғотиш орқали дунё ҳамжамиятида Ўзбекистон Республикасига ва Университетга бўлган қизиқишни оширишдан иборатдир.

“Student Ambassadors” жамоаси фаолиятининг асосий вазифалари:

чет давлат фуқароларига миллий ҳуқуқ тизими ҳақидаги маълумотларни кўнгилли равишда тақдим этиш;

миллий ҳуқуқ тизимининг ўзига хосликларини дунё бўйлаб ёйиш;

Ўзбекистон жамияти ҳамда маданиятига ҳурмат руҳини уйғотувчи, чет давлат фуқароларининг Университетга бўлган қизиқишни оширувчи турли тадбир ва танловлар ташкил этиш;

Университетнинг талабалари томонидан хорижий олий таълим муассасаларида таълим олаётган ватандош ва чет эллик талаба ҳамда профессор-ўқитувчиларга университетнинг таълим тизимидаги ижобий жиҳатлар ҳақида кенг тушунтириш ишларини олиб бориш;

Университетнинг чет эллик талабаларига дарсдан бўш вақтларини мазмунли ташкил этишларида кўмаклашиш ва уларнинг университетда таълим олишлари жараёнида юзага келадиган муаммоларни бартараф этишда ёрдам беришдан иборат.

III боб. “Student Ambassadors” жамоаси фаолиятини ташкил этиш ва бошқариш

6. “Student Ambassadors” жамоаси фаолияти Университет талабалари фаолиятининг муҳим йўналишларидан бири ҳисобланади.

7. “Student Ambassadors” жамоаси аъзолари ўз фаолиятларини жамоатчилик ва ихтиёрийлик асосида олиб борадилар.

“Student Ambassadors” жамоаси фаолиятига жалб қилинган Университет талабаларига уларнинг олиб борган фаолиятига қараб Университет раҳбарияти томонидан Халқаро ҳамкорлик ва узлуксиз таълим бўйича проректорнинг таклифига асосан моддий кўринишда рағбатлантириш белгиланиши мумкин.

8. Заруриятдан келиб чиққан ҳолда Университет раҳбариятининг рухсати билан “Student Ambassadors” жамоаси фаолиятини янада ривожлантириш мақсадида хорижий олий таълим муассасаларининг шу каби жамоа ёки гуруҳлари билан дўстлик меморандумлари тузилиши мумкин.

9. “Student Ambassadors” жамоаси ҳар бир аъзосига яқиндан кўмак бериш мақсадида Университетнинг 5 нафардан кўп бўлмаган чет эллик талабалари бириктирилади.

10. “Student Ambassadors” жамоаси аъзолари фаолияти тегишлилиги бўйича факультет деканлари томонидан мувофиқлаштирилади.

11. “Student Ambassadors” жамоаси аъзоларининг фаолияти Халқаро ҳамкорлик бошқармаси ҳамда Халқаро ҳамкорлик ва узлуксиз таълим бўйича проректор томонидан таҳлил қилиб борилади.

12. “Student Ambassadors” жамоаси аъзолари ўқув йили учун тасдиқланган иш режаси асосида фаолиятларини олиб борадилар. Режа бўйича ишлар махсус шаклдаги ҳисоботлар электрон папкасида қайд этиб борилади.

13. Иш режа “Student Ambassadors” жамоаси аъзоларининг умумий йиғилишида кўпчилик овози билан қабул қилинади ҳамда Халқаро ҳамкорлик бошқармаси билан келишилгандан сўнг Халқаро ҳамкорлик ва узлуксиз таълим бўйича проректор томонидан тасдиқланади.

IV боб. “Student Ambassadors” аъзоларини танлаш ва тайинлаш

14. “Student Ambassadors” жамоаси аъзолигига номзодлар рўйхати янги ўқув йили бошида факультет деканлари томонидан хорижий мамлакатда алмашинув дастурларида ўқиб келган ёки шундай дастурларда ўқишга кетаётган юқори билимга эга бўлган, бир нечта хорижий тилларни биладиган, талабалар орасида катта ҳурмат ва эътибор қозонган, маънавий-маърифий жиҳатдан етук ва дипломатик кўникмаларга эга бўлган Университетнинг талабалари орасидан уларнинг розилигини инобатга олган

ҳолда шакллантирилади ҳамда Халқаро ҳамкорлик ва узлуксиз таълим бўйича проректорга тақдим этилади.

15. “Student Ambassadors” жамоаси аъзолари Халқаро ҳамкорлик ва узлуксиз таълим бўйича проректорнинг тақдимномасига асосан Университет ректорининг буйруғи билан бир ўқув йили учун тайинланади.

16. “Student Ambassadors” жамоаси аъзоси кейинги йилга қайта тайинланиши мумкин, мазкур Низомнинг 18-бандида назарда тутилган ҳолатлар бундан мустасно.

V боб. “Student Ambassadors” жамоаси аъзоларининг ҳуқуқлари

17. “Student Ambassadors” жамоаси аъзолари қуйидаги ҳуқуқларга эга:
хорижий олий таълим муассасалари талабалари ёки мутахассислари билан биргаликда миллий ҳуқуқ ва хорижий ҳуқуқни қиёсий ўрганиш бўйича илмий конференциялар, тадбирлар ҳамда чет эллик сайёҳлар учун очик эшик кунларини белгиланган тартибда ташкил этиш;

чет эллик талабалар билан юзага келган ўқув-тарбиявий соҳалардаги муаммоларни бартараф этиш бўйича факультет деканатидан кўмак сўраш;

чет давлат фуқаролари, университетлари ёки чет эллик талабалар билан сайёҳ талабалар гуруҳларини ташкил этиш, маданий-маърифий тадбирлар, “Do you know Uzbekistan?” кўрик танлови ва бошқа турдаги маросимларни ўтказишда деканат, ректорат ва жамоат ташкилотларидан ёрдам сўраш;

Университет раҳбарияти томонидан тақдим этиладиган “Student Ambassadors” жамоаси кўкрак нишонини тақиб юриш;

Университет раҳбариятининг рухсати билан “Student Ambassadors” жамоасининг ижтимоий тармоқлардаги каналларини очиш ва уни юритиш ҳуқуқига эга бўлади.

VI боб. “Student Ambassadors” жамоасига аъзоликнинг бекор қилиниши

18. “Student Ambassadors” жамоасига аъзолик қуйидаги ҳолларда бекор қилинади:

аъзонинг ўз ихтиёри билан;

вазифаларига совуққонлик билан муносабатда бўлганда ёки лозим даражада бажармаганда;

обрў-эътибори ва мавқеини йўқотадиган бирор-бир ножўя хатти-ҳаракатни амалга оширганда.

19. “Student Ambassadors” жамоасига аъзолик факультет деканлари мурожаатига мувофиқ Халқаро ҳамкорлик ва узлуксиз таълим бўйича проректорнинг тақдимномасига асосан Университет ректорининг буйруғи билан бекор қилинади.

VII боб. Яқуний қоида

20. “Student Ambassadors” жамоаси аъзолари ўзига юклатилган вазифаларни бажариш учун шахсан жавобгардир.

**Тошкент давлат юридик университети “Student Ambassadors” жамоасини ташкил қилиш ва унинг фаолияти бўйича
ЧОРА-ТАДБИРЛАР**

№	Чора-тадбирлар номи	Амалга ошириш механизми	Бажариш вақти	Масъул ижрочилар
1.	“Student Ambassadors” жамоаси жамоаси аъзоларини шакиллантириш.	1. “Student Ambassadors” жамоаси аъзолигига талабаларни танлаб олиш бошланиши ҳақида эълон бериш. 2. “Student Ambassadors” жамоаси аъзоси бўлмоқчи бўлган талабалар орасидан муносибларини саралаб олиш ва рўйхатини шакиллантириш.	2021 йил 25 август	Халқаро ҳамкорлик ва узлуксиз таълим бўйича проректор, факультет деканлари
2.	“Student Ambassadors” жамоаси аъзоларини тайинлаш.	1. “Student Ambassadors” жамоаси аъзоси бўлмоқчи бўлган талабалар орасидан саралаб олинган талабалар номзодини Университет ректорига тақдим этиш.	2021 йил 7 сентябрь	Халқаро ҳамкорлик ва узлуксиз таълим бўйича проректор, факультет деканлари
3.	“Student Ambassadors” жамоасининг намунавий иш режасини ишлаб чиқиш.	1. “Student Ambassadors” жамоаси аъзоларининг умумий йиғилишини ташкил этиш; 2. 2021-2022 йилларга мўлжалланган намунавий иш режа юзасидан овоз беришни ўтказиш.	2021 йил 17 сентябрь	Халқаро ҳамкорлик бошқармаси

4.	“Student Ambassadors” жамоасининг намунавий иш режасига асосланган ҳолда “Student Ambassadors” жамоасининг 2021-2022 йилларга мўлжалланган иш режасини тасдиқлаш.	1. “Student Ambassadors” жамоаси аъзоларининг таклифларини умумийлаштирган ҳолда “Student Ambassadors” жамоасининг 2021-2022 йилларга мўлжалланган иш режасини тасдиқлаш.	2021 йил 22 сентябрь	Халқаро ҳамкорлик ва узлуксиз таълим бўйича проректор
5.	“Student Ambassadors” жамоаси кўкрак нишонини ишлаб чиқиш ва тақдим этиш.	1. “Student Ambassadors” жамоаси кўкрак нишони”нинг намунасини тайёрлаш ва белгиланган тартибда тасдиқлаш; 2. “Student Ambassadors” жамоаси аъзоларига кўкрак нишонини тантанали равишда тақдим этиш ва уларга мазкур кўкрак нишонидан фойдаланиш қоидаларини тушунтириш.	2021 йил сентябрь	Халқаро ҳамкорлик ва узлуксиз таълим бўйича проректор, Халқаро ҳамкорлик бошқармаси, факультет деканлари
6.	Университетнинг чет эллик талабаларини “Student Ambassadors” жамоаси аъзоларига бириктириш.	1. “Student Ambassadors” жамоаси аъзоларининг ҳар бирига чет эллик талабаларни бириктириш; 2. Аъзоларга чет эллик талабаларнинг ҳар томонлама Ўзбекистон ҳамда ўзбек жамиятига мослашишлари учун кўмак беришларини тушунтириш.	2021 йил октябрь	Халқаро ҳамкорлик бошқармаси, факультет деканлари
7.	“Student Ambassadors” жамоаси аъзолари ҳамда хорижлик талабалар иштирокида интенсив курслар	1. “Ўзбекистон ва хорижий мамлакатлар маданияти ҳамда ҳуқуқини ўрганамиз” деб номланган интенсив курсларни ташкил этиш орқали “Student	2021-2022 ўқув йили давомида, доимий	Факультет деканлари, Халқаро ҳамкорлик бошқармаси

	ташқил этиш.	Ambassadors” жамоаси аъзолари ва чет эллик талабаларда ўзаро яқинликни вужудга келтириш; 2. Ўзбекистон ҳуқуқ тизимининг ўзига хослигини кўрсатиш мақсадида чет эллик талабалар иштирокида “Ўзбек ҳуқуқи асослари” мавзусида талабалар конференцияларини ташқил этиш.		
8.	Чет давлат фуқароларини Ўзбекистон ва унинг маданиятига қизиқтириш.	1. Хорижий таълим муассасалари ўқувчилари учун “Student Ambassadors” жамоаси аъзолари томонидан “Ўзбекистон Буюк ипак йўли марказида” мавзусида тақдиротлар ўтказиш; 2. Чет эллик сайёҳлар учун йилда икки марта очиқ эшик кунларини ўтказиш.	2021-2022 ўқув йили давомида, доимий	Халқаро ҳамкорлик бошқармаси
9.	“International week” тадбирини ўтказиш.	1. Университетда фаолият кўрсатувчи хорижлик мутахассислар ва чет эллик талабалар ўз миллий таомлари, кийимлари, маданиятларини намойиш этишлари учун “Student Ambassadors” жамоаси аъзолари томонидан “International week” тадбирини ташкиллаштириш.	2022 йил апрель	Халқаро ҳамкорлик бошқармаси, факультет деканлари
10.	“Do you know Uzbekistan?” кўрик танловини ташқил этиш.	1. Чет давлатда доимий яшовчи, Ўзбекистонда бир ойдан кўп яшамаган чет давлат фуқаролари ўртасида “Do you know Uzbekistan?” кўрик танловини	2022 йил апрель-май	Халқаро ҳамкорлик бошқармаси, факультет деканлари

		ташқил этиш ҳақида кенг оммага эълон бериш; 2. “Do you know Uzbekistan?” кўрик танлови шартларини ишлаб чиқиш; 3. “Do you know Uzbekistan?” кўрик танловини ўтказиш.		
11.	“Student Ambassadors” жамоаси фаолиятини янада ривожлантириш мақсадида хорижий олий таълим муассасаларининг шу каби жамоа ёки гуруҳлари билан тадбирлар ўтказиш.	1. Университетнинг хориждаги ҳамкор университетлари талабалари билан конференция ва учрашувлар ташқил этиш.	2021-2022 ўқув йили давомида, доимий	Халқаро ҳамкорлик бошқармаси
12.	“Student Ambassadors” жамоаси аъзолари етакчилигида сайёҳ талабалар гуруҳларини шакллантириш.	1. “Student Ambassadors” жамоаси аъзолиги етакчилик қиладиган сайёҳ талабалар гуруҳларига Ўзбекистон бўйлаб саёҳат қилиш истагида бўлган талабаларни танлаб олиш бошланиши ҳақида эълон бериш; 2. “Student Ambassadors” жамоаси аъзолари тақлифига биноан сайёҳ талабалар гуруҳлари тадбирларида қатнашмоқчи бўлган талабалар орасидан муносибларини саралаб олиш.	2022 йил июль-август	Халқаро ҳамкорлик бошқармаси, факультет деканлари
13.	Амалга оширилган ишларни мониторинг қилиш ва ҳисобини юритиш.	1. “Student Ambassadors” жамоасининг 2021-2022 йилларга мўлжалланган иш режасида назарда тутилган ишларнинг	2021-2022 ўқув йили давомида,	Факультет деканлари, Халқаро ҳамкорлик бошқармаси

		<p>бажарилиш ҳолатини мунтазам мониторинг қилиб бориш;</p> <p>2. Амалга оширилган ишларни муҳокама қилиб бориш.</p>	доимий	
14.	Амалга оширилган ишларни ОАВ, интернет ва ижтимоий тармоқларда ёритиш.	<p>1. Ўтказилаётган тадбирлар, халқаро ҳамкорлик бўйича ахборот-материаллар ҳамда махсус репортажлар тайёрлаш;</p> <p>2. Ахборот-материаллар ва репортаж кабиларни ОАВ ҳамда ижтимоий тармоқларда кенг ёритиш.</p>	2021-2022 ўқув йили давомида, доимий	Халқаро ҳамкорлик бошқармаси, факультет деканлари